

TARIKH : 20 DISEMBER 2022
AKHBAR : BERITA HARIAN
MUKA SURAT : 18

Minyak masak paket, telur masih kurang di Kuantan

Minyak masak paket, telur masih kurang di Kuantan

Tinjauan dapati bahan asas tanpa subsidi banyak di pasaran

Oleh Asrol Awang
bhnews@bh.com.my

Kuantan: Bekalan minyak masak paket bersubsidi didapati kehabisan di beberapa pasar raya di daerah ini, namun stok minyak masak botol bagi dua dan lima kilogram masih ada di pasaran.

Tinjauan semalam mendapati minyak masak paket yang dihadkan penjualannya kepada tiga paket bagi setiap pelanggan habis sejak awal pagi.

Kedadaan itu membimbangkan orang ramai khasnya golongan berpendapatan rendah yang mahu kerajaan mengatasi masalah ke-

kurangan bekalan itu segera.

Suri rumah, Jamaliah Kamaruddin, 56, berkata pihak berkuasa, terutama Kementerian Perdagangan Dalam Negeri dan Kos Sara Hidup perlu segera bertindak bagi memastikan pengguna mudah mendapatkan barang keperluan harian.

"Bukan semua mampu membeli minyak masak dalam botol, terutama golongan kurang berkemampuan kerana harganya tinggi.

"Jadi, masalah kekurangan stok minyak masak bersubsidi perlu diselesaikan segera," katanya.

Harapan peniaga

Sementara itu, tinjauan bekalan telur ayam juga berlaku kekurangan, terutama membabitkan 30 biji sepapan.

Bagaimanapun, telur ayam 10 biji jenis omega dan premium masih ada di pasaran, tetapi harganya lebih mahal, menyebabkan



Rak yang menempatkan minyak masak paket bersubsidi habis di sebuah pasar raya di Kuantan.

(Foto Asrol Awang/BH)

ia kurang mendapat sambutan.

Peniaga nasi lemak, Junaidi Kamaruzzaman, 45, berkata kesukaran mendapatkan bekalan telur memberikan kesan kepadanya kerana telur ayam adalah

antara bahan asas dalam menu nasi lemak.

Katanya, disebabkan itu, dia terpaksa mendapatkan bekalan telur ayam di beberapa pasar raya atau kedai runcit jauh dari rumah.

"Saya harap kerajaan segera memulihkan kembali bekalan telur ayam kerana kesukaran mendapatkannya menyebabkan kami terpaksa mencarinya di merata tempat," katanya.